



Ушогшо эл, порымлык да гимн берр!

Будь готов/

ЯМДЕ-ЛИЙ

1933 ий 1 февраль годсек лектеш.

0+

Чевер кече, яндар юж - йоча, пенгыдемьн куш!

Сүретлат, түрлө модыш дене модыт, йырангышке вудым шават, шүкшудым сомылат, фокусым ончыктат, икте-весешт дене танасат, ончерым эртарат, экскурсийыш коштыт... Кенез каникул гынат, йоча йүк дене темше школышто паша шолеш. Кушто? Параньга район Матародо школ пеленысе «Солнышко» лагерьыште (снимкыште). Тушко 62 йоча коштеш.

Кажне кече посна темылан пөлеклалтын. Мутлан, Йомак кечын юзо тўняшке логалыныт да йомак-влакым модын ончыктеныт. Музык кечын семўзгар дене сылне семым лукташ тыршеныт. Лагерьыште капкылым шуараш, ушым пўсемдаш, каналташ чыла йон уло.

Х.АЛЕКСАНДРОВА.
А.МОРОЗОВАН фотожо-влак.



Марий Элысе лагерьлаште икымше сменыште 12606 йоча канна. Школ пелен 168 лагерь пашам ышта, ола воктене - 6.



«Артек», «Орлёнок», «Смена», «Сириус» йоча рўдерлаште да санаторийлаште Марий Эл гыч 300 йоча кенез мучко канаш тўналеш.




Лотерей

2021 ийын кокымшо пелийжылан «Ямде лий» газетлан **ПОДПИСКЫМ** ыште да лотерей модышыш ушно.

Тўн приз - самокат!

Рекламе.

Индекс - П4696.





Сенгымашым тыланена!

Оршанке район гыч Рыбаковмыт еш (снимкыште) Марий Элын чапшым «Успешная семья Приволжья» конкурсышто аралаш тўналеш. Кок але утларак икшывым ончен куштышо еш-влакын тагасымашышт 7-8 июльышто Чебоксарыште эртаралтеш. Тушко Юл кундем федерал округ гыч 14 еш ушна.

Рыбаковмытын сурт озанлыкышт кугу, чыве, каза, кролик-влакым ашнат. Тыгодымак яра жапыштым пайдалын эртарат: походыш коштыт, колым кучаш, велосипед дене кудалышташ, телым ече дене мунчалташ йоратат, мураш-кушташ кумылан улыт. Рыбаковмыт ешлан сенгымашым тыланена.

Л.ГРИГОРЬЕВА ямдылен.

Елена ден Александр Рыбаковмытын индеш икшывышт уло, шымытше – ончаш налме.

Российысе увер

Российысе просвещенный министерстве ден Москосо Сенгымаш тоштер «Лучшая выставка школьных музеев» всероссийский конкурсым увертареныт. Иодмашым да презентацийым 30 сентябрь марте колтыман.

Изи оласе, ялласе да селаласе школлаште тунемше-влаклан Москосо физико-технологический институтын Заочный физико-технический школыштыжо дистанционно тунемаш йон пуалтеш. Школ директор уста тунемшыже нерген уверым 25 июнь марте колтышаш. 1 июль гыч 15 август марте тергеме паша эртаралтеш.

3-18 ияш ўдыр-рвезе-влакым «Разноцветные капли» всероссийский сўрет конкурсыш ушнаш ўжыт. Пашаман 15 сентябрь марте колтыман. Тўрыс уверым vsekonkursy.ru сайтыште ончыза.

Марий Элысе увер

«Демографий» нацпроекттын «Спорт – норма жизни» федерал проектше почеш Марий Эл Республикысе Звенигово, Оршанке, Волжский, Параньга, Шернур районлаште да Волжск олаште хоккей дене модаш коробкам шогалтат.

Морко район Коркатово лицейын тунемшыже-влак Марий кугыжаныш университетын эртарыме «Сохраним первоцвет» республиканский конкурсышто сенгышыш лектыныт: Настя Иванова – 1-ше вер; Сэда Смирнова, Анна Семёнова – 2-шо вер. Вуйлатышышт – В.М.Васильева.

«БиблиоЛето – 2021» инициативе почеш Республикысе йоча да самырык-влаклан В.Х.Колумб лўмеш книгагудо ача-ава-влакым лудаш кумыландыше модшышым яра налаш ўжеш. Тидлан йочам книгагудыш возыман да модмашыш ушнаш ўжмашым налман.

Школ пакчаште

Каникул жапыште школ пакчаште черет дене пашам ыштена. Шўкшудым сомылена, пакчасаскашке вўдым шавена. Тыге телылан ямдылалтына. Вара повар-влак мыланна тутло кочкышым шолтат.

Настя БУРМАНОВА.

Кужэнер.

Крым сар 18 июньышто англичан-француз-турко войска Севастопольыш керылтын, но руш войска, Шем теңыз флотын моракше-влак, олаште илыше калык тушманым чактарыныт.

Окнаште – мыйын элем

Российын кечыже вашеш авам дене коктын «Окна России» всероссийский акцияш ушнenna. Окнам тўрлө семын сорастаренна. Тыгай акция йоча-влакым шочмо элым йораташ, моторлыкым умылаш да патриотизм шўлыш дене илаш тунукта.

Полина АЛЕКСЕЕВА.

Морко, Коркатово.




Фотом еш архив гыч налме.

Курымашлык чап тыланда!

Кугу Ачамланде сар кажне ешыш ойгым, шинчавұдым конден. Шочмо элыште тыныс илышым арален кодаш манын, совет калык тушман ваштареш рўж шогалын. Нуно геройлыкым, лўддымылыкым ончыктеныт. Сўй мландеш вуйыштым пыштеныт, но чакнен огытыл. Кызыт ме, самырык тукум, Кугу Сеңымашым лишемдыше-влакым шарнышаш да нунылан тауштышаш улына.

Даша ПЕТРОВА.

Морко, Коркатово.



22 июнь –
Ойганен
шарныме
кече.

Акций

Ойганен шарныме кече вашеш Российыште «Шарнымаш сорта» онлайн-акций эртаралтеш. Тений тудо 15 июньышто тўгалын да 22 июнь марте шуйна. Кажне кумылан ег деньпамяти.рф сайтыште виртуальный сортам чўктен кертеш. Мыняр шуқырак сортам чўктена, тыныс илышым арален кодышо-влаклар тунар шуко «тау» мутым ойлена да нуным курымеш шарнымынам пенгыдемдена.



Андрей РЕПИНЫН сўретше.
Советский, Ёрша.

Йоча-влак,
«ВКонтакте» соц-кылысе «Ямде лий – марла йоча газет» тўшкаште Ойганен шарныме кечылан пўлек-лалтше викторинышке ушныза. Эн ончыч да чын вашмутым пуышылан – пўлек.

Чоныштем ила

Кугезе кочам Иван Николаевич Кувшинов 1920 ийыште Курыкмарий район Вїтламары ялеш шочын.

1939 ийыште салтакыш налыныт. Тудо Балтик тенгыз флотышто службым эртен. Кугу Ачамланде сар тўналмеке, фронтыш каен. Ленинград блокаде годым шуко нелылыкым чытен. Моло салтак семынак кылмен, шужен коштын. Олам аралыме годым кок гана сусырген.

Сар гыч пўртылмеке, школышто тыршен. Вара колхозым ятыр ий вуйлатен. Кугезе ковамын ўмыржў кўчык лийын. Иван кочам шым икшывым ончен куштен, йол ўмбак шогалтен. Кугезе кочамым ик ганат ужын омыл гынат, чоныштем ила.

Кристина ПРОТАСОВА.

Волжский, Сотнур.

Огына мондо

Ме Кугу Ачамланде сарыште лийше-влакым нигунам огына мондо. Коча-кова-влакын подвигышт курымешлан шарнымашеш кодаш. Школышто ятыр мероприятийым нунын лўмеш эртарена. Изирак класслаште тунемше шольо-шўжарна-шамычлан сар нерген раш каласкалена. Чонышкышт патриотизм шўлышыым шынгарена.

Дарина МУРТАЗИНА.

Морко, Энерсола.

Тўрлў тўсан каныш

Школ пеленысе «Гармония» лагерьыш 25 йоча коштеш. Лагерь илыш онайын эрта. Кажне кече тўрлў тўс дене кылдалтеш: ме тугаяк тўсан вургемым чиена. Физкультурым туныктышо Леонид Васильевич дене пырля зарядкым ыштена. «Весела стартыште», онай танасымашлаште вий-куатнам тергена. «Кладым кычал» модышышто писылыкнам ончыктена. Тыгак шахмат, шашке дене модына, пазлым погена. Воспитатель-влак Лариса Викторовна ден Эльвира Леонидовна весела мероприятий-влакым эртарат. Клубышко, книгагудышко коштына. Лагерьыште моткоч сай!

Марий Турек, Сысоево.



Фотом школын архивше гыч налме.

Роман МЕДВЕДЕВ.

Кучо мечым – го-ол!



**Ф
И
З
К
У
Л
Ь
Т
-
У
Р
А**

Ияш тунемам

«Таза капыште – таза чон», – ойлат калыкыште. Чынак вет? Спорт капкылым шуара, тазалыкым виянда. Шольым дене коктын Звенигово олесе «Жемчужина» спорткомплекс пеленысе бассейныш коштына, ияш тунемына. Шокшо кенез кечын яндар вудан ер воктене жапым утларак эртарынена. Кенез канышна пайдале лийже, шонена.

Аня ВИНОГорова.
Звенигово, Кожласола.

Йошкар-Оласе 1-ше номеран школын 2-шо классшым тунем пытарыше Рома МОРОЗОВ (снимкыште) профессионал футболист лияш ямдылалтеш. Рвезе олимпийский резерв спорт школын футбол командыштыже (тренер – А.В.Патрушев) модеш. Шукерте огыл Ижевск олаште эртаралтше «Большие звёзды светят малым» тўнямбал фестивальш миеныт. Ромам эн сай модшо семын палемденыт.

– Ачам ден кошам футбол дене пейгыде кылым кучат. Кошам Севериан Александрович чапланыше футболист лийнеже улмаш. Но шонымашыже шукталтын огыл. Мый тудын ўшанжым сулаш тыршем. Мыланем Арсен Захарянын модмыжо келша. Шочмо ялышкем, Кужэнер район Нурсолашке, канышлан мийымеке, йолташем-влакым футболла модаш кумылаждем, – ойла Рома.

19 июнь – Йоча футболын тўнямбал кечыже.



Х.АЛЕКСАНДРОВА.
Фотом еш архив гыч налме.

Велосипед дене – Шернурш

Шўдымарий школышто «Самырык турист» кружок уло. Тудым С.С.Нефонов вўда. Ме Шернур кундемш велосипед дене миенна. Шернур посёлкысо тоштерышке пуренна. Вара кў карьерышке кудалынна. Тушто могай гына кў уке! Ме мотор фотографий-влакым ыштенна. Чодырашке пурен, тўрлө пеледышым шымленна. Ёдыркатам ужынна. Тиде поход чонешем поро шарнымашым коден.

Сева НИКИТИН.

Настя – кокымшо

1-4 июньшто Россиясе школьник-влакын толкынышт Москошто Всероссийский спорт фестивальым эртарен. Тушко элнан тўрлө регионжо гыч 475 тунемше ушнен. Марий Элын чапшым Советский район Кужмарий школын 6-шо классшым тунем пытарыше Настя ОРЕХОВА (снимкыште) арален. Тудо 5-6-шо класслаште тунемше ўдыр-влак коклаште «Сила РДШ» тагасыште турникыште тўрлө упражненийым ыштыме дене 2-шо верыш лектын. Настям физкультурым тунуктышо В.В.Петров ден ачаже ямдыленыт.

– *Илышемым спорт дене кылдаш шонем. Кошам школышто 40 ий утла физкультурым тунуктен. Мый тудын гай лийнем,* – ойла Настя.

С.В.ИГНАТЬЕВА,
туныктышо.

Кужэнер район.

Палаш онай

23 июньшто Тўнямбалсе олимпийский кече палемдалтеш. 1894 ий ты кечын тўнямбалне олимпийский комитетым чумырымо.

Кө эн писе?

«Спорт дене кылым кучет гын, виян, таза лият», – ойла физкультурым тунуктышо Ю.В.Исаев. Юрий Владимирович кумылым савырен мошта. Ме тудын йыр мўкшла пёрдына. Кө эн писе, пален наллена. Канат дене коштамашым ик эн онайлан шотлена. Тыгодым вий, чулымлык, писылык кўлит.

Звенигово, Шолэнер.

Судьян флажокшо-влакым шотлыза.



Софья ЯКОВЛЕВА.



Ияговыж але ковыж?

Ияговыж – скрипке гаяк, пулвуеш шынден шоктымо, кум кылан марий семүзгар. Икмыняр ий ончыч тиде семүзгарым шагал шымлыме лийын. Ковыж нерген уверым погаш да шымлымаш пашам возаш уста туныктышо, музыкант, Марий Эл Республикын Олык Ипай лүмеш Кугыжаныш молодёжный премийжын лауреатше Т.И.Ямбердова (**снимкыште**) кумылангын. Татьяна изиж годсек скрипке дене шоктен. Йошкар-Олаште Национальный президент школ-интернатим, И.С.Палантай лүмеш тувыра да сымыктыш колледжым, Петрозаводск олаште А.К.Глазунов лүмеш кугыжаныш консерваторийым, Санкт-Петербург олаште Сымыктышын историйже россия институтысо аспирантурым тунем пытарен. Кызыт Псков кундемысе Великие Луки олаште М.П.Мусоргский лүмеш йоча сымыктыш школышто скрипке дене шокташ туныкта.



Ший шондык

«Молан лач ковыжым шымлаш кумылангында?» –

йодым. Татьяна тыге вашештыш: «Ешыштына марий шўлыш озаланен. Ачам – кумдан палыме сўретче Иван Михайлович Ямбердов – марий калыкын тўвыражлан шўманден. Тудлан тауштем. Петрозаводск олесе консерваторийыште Финн-угор сем кафедре улмо нерген пален налке, тунемаш каenam. Тушто финн-угор тўшкаш пурышо калык-влакын тўвыраштым келгын туныктат. Шымлымаш пашамын темыж-



Ачажлан таушта

лан марий ко-

выжым ойыренам».


Т.Ямбердова ковыж нерген материалым погаш Марий Эл Республикысе тўрлő районушко ачаж дене пырля экспедицийыш коштын. Параньга районушто Ф.Н.Озёров, Звенигово районушто А.Д.Окошкин шуко каласкаленит. Чакмарий ялыште Ковыж Виталий илен улмаш. Иван Ямбердов тудын пытыше сурт шенгелныже ковыжын футляржым муын луктын. «Ялыште тыгай виртуоз-мастар-влак лийыныт.

Кажныжын – ике сем кадыртышыже», – ойла Татьяна.

Т.Ямбердова В.М.Васильев лүмеш МарНИИЯЛИ-ште архив материалым шымлен да тўрлő тоштерышке коштын.

Тўрлő лўман семүзгар

Ковыжым тўрлő кундемыште тўрлő семын ойленит. Икымшыже легенде дене кылдалтын. Поян еным тояш манын, ковыж дене шоктышо мастарым мланде йымалысе тўняшке колтенит. Мастарым ия-влак вашлийыныт да ковыж дене кум кече шокташ виеш йодыныт. Ковыжзо тыгай виртуоз лийын, эсогыл



Ковыжым шопке, кож, нулго гыч ыштеныт.

молан манаш гын ик ялыштат тудым «ияговыж» манын огытыл. Тудо ия дене кылдалтын огыл», – умылтара Т.Ямбердова.

кум кече олмеш кум ий чарныде шоктен. Тыге **ияговыж** шوماк шочын.

Киров кундемысе Советск олаште **комож** маныныт, Киров кундем Пижанке ялыште – **комыж**, Параньга районушто – **томбра**.

«Мыйын шонымаште, тиде семүзгарым ковыж гына манман,

Надырым пыштенит

Чуваш этнограф да фольклорист Н.Никольский ковыж нерген 1914-1915 ийлаште икымше гана возен. 1920 ийыште этнограф да крeвeд Т.Евсеев фотом ыштен. Ковыжым шымлымашке марий поэт, этнограф Т.Ефремов кугу надырым пыштен. Тудо 1930 ийыште Советский район Кугэгер ялыште кок легендым возен налын. Иктыштыже тыге серыме лийын: «*Комыжын йўкшő ший дечат сайрак – тудо кўсле гай шерге огыл, да шўвырла ок шорт. Йўкшő ныжылге гынат, кумлым савыра; комыжын мурыжо калыкын илышыжым ончыкта, кугезына-влакын илышышт шинча ончылнына сўретлалтеш. Семүзгар шыпым йōрата, садлан озаже тудым кастене веле шокта*».

Тылеч посна ковыжым Я.Эшпай, П.Никифоров, К.Смирнов, В.Акцорин, О.Герасимов, Л.Викар да молат шымленит.

Х.АЛЕКСАНДРОВА.
Фотом еш архив гыч налме.



М
й
к
ш
и
г
е

Ой-кагаш лаштык

20 июнь -
Медицине пашаенгын
кечыже.

Ўвыра деч аралалтса

Ўвыра, шына пурлме-ке, мом ыштыман? Тидын нерген Йошкар-Оласе кокымшо номеран йоча поликлиникын врач-педиатрже Е.В.ВШИВЦЕВА (снимкыште) умылтара:

- Шына але йвыра пурлмеке, айдемын коваштышкыже антикоагулянт логалеш. Тудо пурлмо верым лўгыштыкта. Тидлан кўра ты вер йошкарга, пуалын кертеш. Тыгай годым лўгыштымў верыш йўштым кучыман. Пел изи совла содым ик стакан вўдеш варен, пурлмо верыш йыгаш лиеш.



Вургем ужар
шудо дене
амырген
гын



Ош вургем гыч тамгам корандаш пўйым эрыктыме порошокым але ош пастым кучылтса. Амыргыше верыш йыгыза да кошкымежыке кодыза. Леве вўд дене мушса. Тыгак шовын йўршан нашатыр спиртым кучылташ лиеш. Нашатыр спирт ден шовын вартышым тамгашке йыгыза да 15 минут кучыза.

Джинс але спорт йолаш гыч амыргыше палым мушкын колташ шинчал полша. 2 кугу совла шинчалым 400 миллилитр леве вўдеш шулыктарыза. Ты вўдыштў вургемым кок шагат наре кучыза.

Порсын, атлас вургем гыч тамгам корандаш глицириным кучылтса. Муношо ден глицириным икнаре налын, сайын варыза. Амыргыше верыш йыгыза да ик шагатлан кодыза. Шовыным йыген, леве вўд дене мушса, уремыште коштыза.

Синтетик вургемым ошемдаш пор ден шовын полшат. Нуным икнаре налын, тўрко гоч нўжыза. Леве вўдым ешарыза да вартышым вургемеш йыгыза. Пел шагат гыч мушса.

Йолчием гыч шудо палым корандаш кўчым чиялтыме лакым ўштмў раствором кучылтса.

Пакчасе кутко деч утлаш попкорн полша. Попкорным блендер гоч колтыза, кутко-влакын коштмо корнышкышт оптыза.



Икмынар ой-кагашым шотыш налза:

- Пўрт окнашке москитный сеткым пижыктыза.
- Шына шемалге тўсым йўрата. Сандене волгыдо вургемым чийыза.
- Тегытвуй, герань, бархатцы пуш деч шына лўдеш.
- Пуалмым пытараш тўрлемшудо, алой лышташ-влак полшат.
- Пурлмо верым шовын дене мушса.
- Ида удыро.

Лимоным пельгыч пўчса да гвоздикым кередыза - шына воктекеда ок мий.



Леве вўдыш базилик лышташым пўчкеден оптыза да ўмбакеда шыжыктыза. Шына кужу жап ок шич.

Россий МЧС-н Марий Эл Республикысе тўн управленийже шижтара!

Кундеммыште шокишо игече шогыммылан кўра тул ылыжме лўдыкшиў уло.

Пеш тўткў лийман:

- ➔ оралте, чодыра воктене шўкшакым ида йўлалте;
- ➔ нигушто тулотым ида ылыжте;
- ➔ тулым ылыжтен кертше арвер-влакым пўртўсыштў кышкен ида кодо.

Тулым шекланымеке,
101 номер дене йынгыртыман,
сото телефон гыч -
112 номер дене.

Кажне предложенийын кугу букважым ушо. Могай муткылдыш лектеш?

Лёня сад-пакчашке лекте. Ўмылан верыш шинче. Даша шўжаржым кычкыралын, лўдыкшыдымылык нерген умылтараш тўнале.

- Ынде тый изи отыл. Корно гоч эртымет годым тўткырак лий. Шкетын йўштылаш ит кошт. Ыре-

нат гын, ўмылыш коран.

Даша ик жап колышт шогышат, пелештыш:

- Ынде мый изи омыл. Мўрым погаш шкетынат каен кертат.

- Ўрмў шотетат уке мо?

Кузе тыге ойлен кертат?

Емыжым погымо годым эшеат тўткырак лийман. Нигунам, колат, нигунам шкетын торах ит кошт! Еш, йолташ-влак дене пырля канаш тўналына. Жапым пайдалын эртарена.

Йоча-влак, кажне ой-кагашым шотыш налза!

Оксам кучылташ тунем



● Ожно оксам «кубышкыште» араленыт. Мутлан, ачысыр ачан шун атыште. Тудым шондыкеш, пушеҥге көргашеш шылтеныт.

Палаш онгай

● Императрице Елизавета Петровна кижтымыж почеш, XVIII курымшто оксам аралаш келыштарыме төнеж-влакым почыныт.

● XIX курымшто оксам да моло пояныкым аралаш йӱлыдымӧ да шалаташ лийдыме шкафым кучылтмыныт.

● Кугыжаныш банкын сейфыштыже Л.Толстойын 13 том кидвозышыжо аралалтын.

Йошкар-Олаште Сенгымашын XXX идалыкше лӱмеш тӱвыра полатыште «Оксам кузе араленыт» ончер 27 июнь марте пашам ышта.



Ўшанле йолташем

Кажне айдемын йолташыже уло. Эн ўшанле йолташемын лӱмжӧ – Антон (снимкыште пурлаште). Тудын дене йочасад годсек келшена. Ик классыште шинчымашым погена. Кызыт школ пеленысе лагерышке пырля коштына. Ме зарядкым ыштена, куржталына, тӱрлӧ модыш дене модына, конкурслашке чолган ушнена. Антон дене келшен да ваш-ваш польшкален илена.

Костя ШЕХУРДИН.

Шернур, Кукнур Купсола.

– Ачай, таче мыланна прививкым ыштеныт.

– Ӱдырем, шортын отыл чай?

– Уке, ачай, нуно мыйым поктен ышт шу.



Сӱретым чиялтыза.

Усталык шӱлышан

Ачам Геннадий Алексеевич Йошкар-Оласе музыкальный училищым тунем пытарен. Тудо изинек мураш йӱратен. Чонжо мурым сераш йодын. Икымше мурыжым аважлан пӧлеклен, кокымшым – Шайра яллан. Ачам гитар, гармонь дене устан шокта. Кызыт тудо «Шайра каче-влак» группын солистше. Ятыр конкурсышто лауреат лийын. Мый ачам дене кугешнем!

Оля ЛЕБЕДЕВА.

Волжский, Сотнур.



Ангелина ОРЕХОВАН сӱретше. Медведево, Руэм.

Йӱратем моткоч кенежым, Йолташем-влак ден модаш. Мӱрым, энгыжым да понгым Ковай ден пырля погаш.

Полина ДОРОГОВА. Морко, Коркатово.



«Ямде лий» йоча газет
Тӱн редактор
Л.Н.ГРИГОРЬЕВА.
Индекс: П4696.
Тираж 1150 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет редакций.

Газетым редакцийыште погым да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогымым эскерыше Федеральный службын Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымашыш тӱрлӧ лийын кертат. Серыш-влак мӱнгеш огыт колтал.
Ак – кутырен келшыме почеш.

Редакцийн да издательын адресше:
424006, Йошкар-Ола, СССР Вооруженный Вийын 70-ше идалыкше урем, 20-шо пӧрт.
Тел. 8(8362) 45-22-82(факс)

Конкурс



Андрей ШУРМЕТОВ,
Вика ШАМЕЕВА,
Евгения КОРНЕВА.
Татарстан, Агрыз, Буймо.




Марина СТЕПАНОВА.
Волжский, Упшер.

Кенгежын чияже




Аделина ден Рома
МИЛЯЕВМЫТ.
Татарстан, Агрыз, Буймо.

Лыве-влаклан пеледышыш-
тым муаш полшыза.



Тушто

Пуракыште пӧрдалеш,
вӧд деч моткоч лӧдеш.



Шотлыза:



8 ойыртелым муза.

Жирафын
капыштыже
мо огеш сите?
Сӱретлен
пытарыза.



Задаче

Кок метр кутышан куэм гыч ик кӱпчыкшӱргӧ лектеш. Куд метр гыч мынярым ургаш лиш?



У мутым тунемына

Могай онгай

Вот онгай: шыч пале йӧршын «Отро» шомакым ты гана. Лудыч, лончылышыч ӧрын Географий урокыштына.

Кушто лиеда **тулгурык**? Раш пален налыч ты гана. Эртыже кеч шӱдӧ курым, Марла ме чын тунемына.

Икте мокталта **касвелым**, Весылан келша **йӧдвел**. Тый гын шерге шочмо элым От керт нигунам монден.

Тенызат огеш шупш чоным, Чодыра лач сълнырак. **Кечывалвелымат** от шоно – Марий Эл келша тылат.

Н.Д.ИЛЬИНА.
Волжский, Карай.

Интернетысе сӱрет-влакым кучылтмо.